



REPUBLIKA E SHQIPËRISË  
-AUTORITETI I KONKURENCËS-  
KOMISIONI I KONKURENCES

---

V E N D I M  
nr. 429, datë 27.07.2016

“Për  
disa rekomandime dhe vleresime ndaj Autoritetit të Mediave Audiovizive”

Komisioni i Konkurrencës me pjesëmarrjen e:

Lindita	MILO (LATI)	Kryetar
Servete	GRUDA	Zv/Kryetar
Koço	BROKA	Anëtar
Iva	ZAJMI	Anëtar
Eduart	YPI	Anëtar

Në mbledhjen e tij të datës 27.07.2016 shqyrtoi çështjen me:

**Objekt:** Raporti i “Përrjashtimit nga ndalimi i marrëveshjes midis Digitalb-Operator Televiziv”.

**Baza ligjore:** Nenet 5, 24, *shkronja d*, neni 49 dhe neni 50 (*pika 1*), të Ligjit Nr.9121, datë 28.7.2003 “Për mbrojtjen e konkurrencës” (i ndryshuar).

Komisioni i Konkurrencës pas shqyrtimit të :

Raportit mbi “Përrjashtimin nga ndalimi i marrëveshjes midis Digitalb - Operator Televiziv” dhe relacioneve shoqëruese të Sekretarit të Përgjithshëm, si dhe dëgjimit në seancën dëgjimore të Autoritetit të Mediave Audiovizive (AMA), me 26/7/2016

**VËREN SE :**

**I. Procedura e ndjekur**

Ndërmarrja “Digitalb” SH.A, me anë të shkresës së saj nr. 246 prot, dt. 12.02.2016 (protokolluar pranë AK me nr. 82 prot, dt. 16.02.2016) ka depozituar pranë Autoritetit të Konkurrencës shkresën me lëndë: “Rinjoftim për përrjashtim marrëveshje-tip midis “Digitalb dhe Operatorëve Televiziv” për vitin 2016.

Këtë rinjoftim “Digitalb” e bën në vijim të Vendimit të Komisionit të Konkurrencës nr. 338, datë 11.11.2014, me anë të të cilit: Komisioni i Konkurrencës ka vendosur: të përjashtoj nga ndalimi marrëveshjen-tip ndërmjet “Digitalb me Operatorët televizivë” deri më date 31.12.2015; si dhe kërkon nga palët në marrëveshje që çdo ndryshim ose amendim i kësaj marrëveshjeje, por edhe rilidhje e saj pas afatit të saj të shfuqizimit më 31.12.2015, do duhet t’i rinjoftohet për përjashtim Autoritetit të Konkurrencës (pika II e dispozitivit).

## **II. Përshkrimi i marrëveshjes**

**Objekt i marrëveshjes** është: përfshirja ekskluzive në platformën toksore dhe satelitore “DigitAlb” të kanalit televiziv “X TV” në çdo formë të trasmetimit të tij në SD dhe/ose HD apo forma të tjera të teknologjisë;

Mbartja e kanaleve TV **në platformën numerike Digitalb** të TOP CHANNEL, TOP NEWS, KLAN TV, ORA NEWS, NEWS-24, ABC NEWS, REPORT TV, UTV NEWS, SUPERSONIC, STV FOLK, KANALI FOLKLORIT, SCAN TV, IN TV, MUSICAL dhe CITY TV.

**Qëllimi i marrëveshjes**, është përfshirja në platformën toksore dhe satelitore të kanaleve televizive të 15 operatorëve televiziv, i cili konsiston në ritransmetimin e sinjalit të kanalit në valë toksore dhe satelitore në kohë reale (live) dhe pa asnjë ndërhyrje në kanalën origjinal. Kanali televiziv do të ritransmetohet përkatësisht i kriptuar/koduar sipas parametrave dhe mbulimit territorial të përdorur nga Digitalb. Koneksioni i nevojshëm për ritransmetimin e kanalit do të bëhet nëpërmjet fibrës optike, apo pajisjeve të tjera

## **III. Tregu përkatës**

### ***Tregu përkatës i produktit***

Referuar marrëveshjes, Digitalb ofron shërbimin e përfshirjes në platformën toksore dhe satelitore të kanalit televiziv, ku shërbimi konsiston në ritransmetimin e sinjalit të kanalit në valë toksore dhe satelitore. Ritransmetimi i njëkohshëm në kuptim të shërbimit është transmetimi i kanalit televiziv në kohë reale (live) dhe pa asnjë ndërhyrje në transmetimin origjinal. Si konkluzion, treg përkatës produkti do të konsiderohen transmetimet me pagesë të përmbajtjes televizive.

### ***Tregu përkatës gjeografik***

Meqenëse shërbimi përkatës ofrohet në të gjithë territorin atëherë si treg gjeografik, do të jetë territori i Republikës së Shqipërisë.

### ***Tregjet e prekur***

Tregu i prekur është tregu i shpërndarjes së përmbajtjes televizive apo programacionit televiziv të operatorëve televiziv në territorin shqiptar ku arrin sinjali Digitalb.

#### **IV. ANALIZA E KONKURENCËS**

Një marrëveshje përjashtohet nga ndalimi sipas parashikimeve të nenit 4 të ligjit “Për Mbrojtjen e Konkurrencës” nëse kontribuon në përmirësimin e prodhimit dhe shpërndarjes së produkteve, nxitjes së progresit teknologjik apo ekonomik me kushtin që një pjesë e përfitimeve të shkojnë në favor të konsumatorëve.

Sigurisht që çdo marrëveshje që kërkon përjashtim përmban klauzola antikonkurrese por nuk duhet të kufizojë në mënyrë të ndjeshme konkurrencën në lidhje me produktet apo shërbimet objekt i kësaj marrëveshje.

Me anë të kësaj marrëveshje operatorët e kanaleve televizive i akordojnë Digitalbit ekskluzivitetin e ritransmetimit dhe distribucionit të programeve të tyre në televizionin me pagesë.

Në këtë mënyrë përmbajtjet pa pagesë të disa kanaleve televizive, bëhen gjithashtu pjesë e përmbajtjeve me pagesë në tregun e televizionit me pagesë me një cilësi të shtuar.

Sipas nenit 5 të Ligjit 9121, mund të përjashtohet nga zbatimi i pikës 1 të nenit 4 çdo marrëveshje, e cila kontribuon në përmirësimin e prodhimit ose të shpërndarjes së produkteve ose në nxitjen e progresit teknologjik apo ekonomik, nëse një pjesë e mjaftueshme e këtyre përfitimeve shkon në favor të klientëve e të konsumatorëve dhe kur: nuk përmban kufizime të veprimtarive të ndërmarrjeve pjesëmarrëse, që nuk janë të domosdoshme për të arritur objektivat e sipërpërmendur; nuk kufizon, në mënyrë të ndjeshme, konkurrencën në lidhje me produktet apo shërbimet, objekt i këtyre marrëveshjeve.

#### **V. Qëndrimet e rregullatorit të tregut, AMA**

Autoriteti i Konkurrencës e ftoi AMA-n në cilësinë e rregullatorit të tregut të medias në një seancë dëgjimore. Përfaqësuesit e AMA-s lidhur me çështjen e shtruar për interpretimin dhe zbatimin e nenit 87 të ligjit Nr. 97/2013 mbi detyrimet e mbartjes, AMA është shprehur me vendimin Nr. 4, datë 26.03.2014.

Lidhur me çështjen e paraqitur mbi kontratën tip të operatorëve të platformave numerike për programet e të tretëve (e drejtë ritransmetimi dhe të drejtat distribuimi) ju bëjmë me dije se këto marrëveshje janë të depozituara pranë AMA-s.

Deri me sot, prane AMA-s janë paraqitur nga subjektet përkatës kontrata të lidhura midis ofruesve të shërbimit mediatik audioviziv të mbështetur në rrjetin kabllor dhe platformave “Digitalb” dhe “Tring”, kontretisht:

- Kontrata të lidhura me të dy platformat ‘Digitalb’ dhe ‘Tring’ rezultojnë të jenë në total 56 nga të cilat kontrata të lidhura vetëm me platformën “Digitalb” rezultojnë të jenë në total 17, ndërsa kontrata të lidhura vetëm me platformën “Tring” rezultojnë të jenë në total 26.

Si konkluzion, AMA shprehet se për sa i përket klauzolës së ekskluzivitetit për programet e operatorëve kombëtarë, për sa kohë, ligji 97/2013 nuk parashikon detyrimin që këta operatorë të jenë të aksesueshëm në të gjithë platformat, por vetëm detyrimin që programet analoge kombëtare ekzistuese të vazhdojnë të transmetohen hapur edhe pasi të mbështeten në platformat numerike, nuk paraqet një kufizim të së drejtës së informimit të shikuesve, çka do të kërkonte një ndërhyrje të mëtejshme të AMA-s në përmbushje të funksionit të saj garant i ofrimit të shërbimeve të shumëllojshme dhe pa pagesë.

### **PËR KËTO ARSYE :**

***Bazuar në nenin 24, shkronja f, dhe nenet 69-70 të Ligjit Nr. 9121, datë 28.07.2003 “Për mbrojtjen e konkurrencës”, (i ndryshuar), Komisioni Konkurrencës,***

### **REKOMANDOI:**

1. Në zonat gjeografike (nivel kombëtar, rajonal, lokal), të cilat përfshihen në përcaktimet e nenit 87 të ligjit 97/2013 “Për mediat audiovizive në RSH”, detyrimet e mbartjes të përmbushen sipas përcaktimit të këtij neni dhe rregullave të Autoritetit të Mediave Audiovizive për detyrimin e mbartjes.

2. Palët e interesuara të drejtohen organit kompetent AMA sipas përcaktimeve të në ligjin Nr.97/2013 për çështje që nuk kanë të bëjnë me mbrojtjen e konkurrencës, për sa i takon problematikave që lindin nga zbatimi i atij ligji.

Ky vendim hyn në fuqi menjëherë.

### **KOMISIONI I KONKURRENCËS**

**Servete Gruda**

(\_\_\_\_\_)

**Zv.Kryetar**

**Koço Broka**

(\_\_\_\_\_)

**Anëtar**

**Iva Zajmi**

(\_\_\_\_\_)

**Anëtar**

**Eduard YPI**

(\_\_\_\_\_)

**Anëtar**

**Lindita MILO (LATI)**

\_\_\_\_\_

**K R Y E T A R**